



partii naleraq

UKA2020/125

Ulloq. 13. Oktober 2020

Jens NapãtôK'

**Nunatsinni inulerinermi; isumaginninnikkut, perorsaanikkut, peqqissaanikkut, tarnillu pissusaaanik ilisimasaqarnikkut atorfissaqartinneqartut ataatsimoortumik pilersaarusiornikkut pisariaqartitatta qanoq anguneqarnissaanerat pillugu apeqquteqaat aallaavigalugu oqallisissiaq.**

(Inatsisartunut ilaasortaq Peter Olsen, Inuit Ataqtigiit)

Inatsisartunut ilaasortaq Peter Olsen, Inuit Ataqtigiit apeqquteqaat aallaavigalugu oqallisissiaq saqqummiuppa Nunatsinni inulerinermi isumaginninnikkut, perorsaanikkut, peqqissaanikkut, tarnillu pissusaaanik ilisimasaqarnikkut pisariaqartitatta qanoq anguneqarnissaat pillugu politikikkut oqallisigineqarnissaa oqallisissiaralugu.

Peter Olsen, Inuit ataqtigiit taamatut qulequtsiilluni apeqquteqaat aallaavigalugu oqallisissiaanut qujaffigaatsigit, imatullu Partii Naleqqamiit oqaaseqaateqarfigissallutigu.

Peter Olsen, Inuit Ataqtigiit apeqquteqaat aallaavigalugu oqallisissiat aallarnerakku oqaatigisat ilumoorluinnarpoq, sallu oqaaseq atukkat iloorluinnarmat, oqaravit sallussagunarnak oqaruit ilinniarsimassuseq tassaasoq nunatta siunissaa, taamaappormi. Minnerunngitsumik ilinniarsimalluni **ilikkarsimagaanni.**

Partii Naleqqamiit pingaartitarilluinnarparput nunap inuisa ilinniartuorsimasuunissaat taamatullu ilinniarnermi atugaasa pitsaanerpaaffimmiitsinniarnissaat akissaqartitariaqarluinnarparput aammalu minnerunngitsumik ilinniarsimasortatta atorluarnissaat taakkulu atugaasa pitsaasuunissaat politikikkut eqqumaarinneruffigisariaqarparput.



## partii naleraq

Ilinniarluarsimasortatta atorluarnerunissaat aammalu suliffimminni ineriartortinneqarlutik qaffakkiartorsinnaanissaat oqaasiinnaanngitsumik politikikkut suliassat pingaaruteqartorujussuit ilagilluinnarpaat.

Nunatsinni nunaqavissut avataaneersunit ilinniartitsisarnerat sumiiffippassuarni annertoorujussuuvoq, maani nunaqavissut atorluarnerunissaat aammalu taakku atugaasa pitsanngorsaaviginissaat piffissanngorpoq. Qanoq iliuseqarfiginissaat piffissanngorpoq.

Apeqquteqaat aallaavigalugu oqallisissiami saqqummiunneqartumi Nunatsinni inulerisut, assaat kialaartut, isumaginninnikkut suliaqartut, perorsaanikkut suliaqartut, peqqinnissaqarnikkut suliaqartut taamatullu tarnip pissusaanik ilisimasaqarnerup tungaatigut pisariaqartitagut, atorfissaqartitagullu qanoq iliornikkut pissarsiarissanerigut apeqqutigineqarlunilusooq politikikkut oqallisigineqarnissaa Partii Naleqqammiit pissusissamisoorluinnartutut pisariaqarluinnartutullu isigalutigu oqaatigissavarput.

Ilami tamanna ukiorpassuannortuni, ukiuni amerlavallaani eqqartuiffigineqarsimavoq annertunerusumik aaqqiiffigineqartarani. Maannakkut tigussaanagerusunik tikkuusisumik aaqqiisoqarnissaa piffissanngortoq Partii Naleqqamiit isumaqarfigigatigu.

Assaat kialaartut ineriartornitsinni pinngitsoorsinnaanngilagut aatsaat taama pisariaqartigilerput aamma taamaammat oqaasiinnaanngitsumik, oqaatsit kusassakkat atuinnaarlugit timitaliinissaq piffissanngorpoq oqaluinnaq naammaleqaaq, kusassaaneq naammaleqaaq aaqqiisoqartariaqarluinnarpoq.

Taamatut oqarnerput uparuartuinaannarluta aammalu ajortisaarinertut nipeqartinniarlugit saqqummiutinngilagut, aaqqiisoqartariaqarluinnarmat aammalu qanoq iliuseqartoqartariaqarnera takusinnaagatigu aamma atukkat ilungersunarsilluinnartut aaqqiiffiginiarneqartariaqarmata taamatut oqaaseqartariaqarluta misigisimavugut, nunap inui taakkulu atugaat pineqarmata.



partii naleraq

Assaat kialaartut pisariaqartitagut nunatsinni ilinniarsimasut amerlasuut ajoraluartumik ilinniarsimanertik atorluangngilaat, amerlasuut allamik suliaqarput, ilai soraartarput sumiiffimmi avatangiiserisaq atukkallu ajorluinnarnerat peqquataallutik.

Suliffinni atugassarititaasut peqquataallutik assaat kialaartut pisariaqartilluinnakkagut atorluagassaraluagut amerlavallaarujussuartut ilinniarsimanertik naapertorlugu sulinngitsorpassuupput pitsaanerusumik atugaqarusullutik allamik suliffeqartariaqalersimanerat peqquataalluni.

Partii Naleqqamiit isumaqarpugut maannakkut apeqquteqaat aallavigalugu oqallinnissami ilinniagaqartussat ilinniagaqartariaqarnerlu eqqartorneqarnerat isumaqarpugut ajunngilluinnartoq, kisianni taamatut eqqartuiniarnitsinni puigorneqartut uani tassaapput nunap inuisa kiffartuunneqartussaagaluartut atugaat aammalu maannakkut ilinniarsimallutik naammassereerlutik sulinerminni avatangiisaat atugaallu ilanngullugit eqqartuiffiginissaat aaqqissuussiffiginissaallu.

Naalakkersuisut akissuteqarnerminni pitsanngorsaasoqarniarnera saqqummiukkaluarpaat, ilaatigut perorsaasut meeqqivinnilu sulisunut atugassarititaasut pikkorissartarnerillu tunngassuteqartut toqqamavilersuutigalugit.

Naalakkersuisuniilli eqqartorneqanngillat perorsaasut ilinniarsimasorpassuit sooq perorsaasutut sulinnginnersut aammalu qanoq iliornikkut perorsaasutut sulilernissaanut pitsaanerusumik aqquattissiuunneqarsinnaanersut.

Taamatullu eqqartunngilaat ukiorpassuanngortuni perorsaasut akissarsiaat politikikkut aaqqiiffigineqarnissaanik neriorsuinerpassuit timalerneqanngitsaannartut ilanngunneqanngilluinnarmata maluginiagassaavoq, naak isumaqatigiinniarnerat politikikkut akuleruffigineqaraluartoq politikikkut aaqqiisoqarnissaanik oqaatsit kusanarluinnartut annissorneqaraluartut isumaqatigiinniarnermi sinaakkutaasut piumasaqaataasunut naapertuutinnngilluinnarnerat saqqummiunneqartaaraluartut qanoq iliuseqarfigineqarnaveersaarlutik ingerlanneqarluni.



## partii naleraq

Perorsaasut ukiorpaasuarni qineqqusaarutaanerit oorisiaasa aaqqiiffiginissaat neriorsuutaasuusaarneqartarnerat qaangertariaqalerpoq. Asuli neriorsortaarunnaarlugit eqqunngitsunik neriutikkunnaarlugit piviusumik akissarsiaatigut aaqqiiffigisariaqalerput. Qineqqusaarutaaginnarnerat aammalu oqaatsit kusassakkat timitaqanngitsut naammaleqaat timitaliisariaqalerpugut oqaluinnarnerit neriusuisuusaarnerit qaangerlugit aaqqiiffigineqarniarlik salloqittaariunnaarlugit.

Utoqqaat illuini utoqqarnullu kiffartuussisut atugaat imaannaanngitsunngoriartuinnarput akisussaaffiit annertusiartuinnarput akissarsiaat nikisinnguartarnagit. Napparsimasut napparsimavimmiittussaagaluartut maannakkut aamma piartortut ilanngullugit utoqqaat illuanut inissiinnarneqartalernerat eqqarsarnartoqaannarani akuersaarneqarsinnaanngitsut ilagaat sulisut atugaat akisussaaffiillu ilanngullugit eqqartuiffigiinnarnagit aaqqiiffigineqarluinnartariaqarput.

Peqqinnissaqarfimmi piartortut napparsimavimmiittussaagaluartut utoqqaat illuinut inissinneqartarnerannik utoqqaat illuanni sulisunut imaannaanngitsuuginnaratik inunnut imaannaanngitsumik killeqartunut ilaqutaannullu imaannaanngilluinnartumik atugaqartitsiffiusarput peqqinnissaqarfimmiit akisussaaffiit taamatut kommuninut utoqqaat illuanilu sulisunut imaannaanngisinnaasarput atukkat killiffiat imaannaanngitsuupput.

Pissutsit ima ilungersunartigilersimapput allaat piartortut angerlartiinnarneqartalersimapput ilaqutaasut piartortunut akisussaasunngorlutik inissisimasalersimapput ilaqutaasunut piartortumullu atukkat imaannaanngitsorujussuusarlutik.

Peqqinnissaqarfimmi sulisut atugaat imaannaanngitsuupput, aningaasaq qitiutinneqarpallaarpoq nunap inuisa atugaat sulisullu atugaat salliutinneqarunnaarsimavoq tamannalu sullissinerliornernut aammalu sulisut imaannaanngitsumik atugaanut sunniuteqartarput ajorluinnartumik.

Peqqissinnaqarfipput imaannaanngitsumik inissisimajuarsinnarpoq nunap inuisa nakorsiarniarsarisarnerat ilungersunartorujussuarmik inissisimaffiuvoq, sulisunut



## partii naleraq

atugassarititaasut ajungaartumik inissisimapput sumiiffippassuarni allaat akuersaarneqarsinnaanngitsumik killiffeqartumik oqaatigisariaqarlutik. Sulisut atugaat pillugit qanoq iliuuseqartoqartariaqarpoq isiginngitsuusaaginnarneqarsinnaanngillat.

Peqqinnissaqarfimmi ilinniarsimasut nunaqavissut ajuusaarnaraluartumik soraararput sullitanut innuttaasunut ajorluinnartumik tamakku aamma uggornaraluartumik kiffartuusiniarnerigaluamik ajorseriaataallutik suli ajoreeqisunik ajornerulerneranik kinguneqartitsiffiusunik.

Sulisut atugaat innuttaasunullu kiffartuussineq ilungersunartumik inissisimareersoq suli ilungersunarnerulerneranik tamakku tamaasa imaannaanngitsumik sunniuteqartarput.

Manna iluatillugu Partii Naleqqamiit kissaatigeqqinniarparput Ittoqqortoormiini nakorsaqaqqilernissaata sulissutigineqarnissaa, Ittoqqortoormiit avinngarussimasorujussuarmi inissisimapput aammalu ukiup ilarujussua tikikkuminaassinnaasarlutik, taamaattumik nakorsamik najorneqarlutik isumagineqarnissaat pissusissamisoorpoq, aamma taamaappoq Kangaatsiap nakorsaqaarlunilu politeqarnissaa, kiisalu Kullorsuup ullumikkut 400 sinnerlugit inoqartup aamma nakorsaqaarnissaa pisariaqarluinnarpoq.

Partii Naleqqamiit siunnersuuteqartup siunertaa anguniagaalu suleqataaffigerusoqaarput, isumaqarpugullu isumaginninnikkut sullissiviit aammalu peqqinnissaqarfitsinni sullissisut ukiuni makkunani suleqatigiilluarfeqaraluartut suli suleqatigiinnerisa pitsaanerulernissaat anguniarlugu politikikkut ataatsimoorluta qanoq iliuuseqartariaqartugut, tassani Namminersorlutik oqartussat aammalu Kommuunit ataatsimoorlutik pitsanngorsaattissanik aqutissiuussisariqaput.

Meeqqaqp inunngorneraniit inuunermini ullunut naggatissaanut illersugaalluni atugarissaarnissaanut pisortat periarfissaqartitsiuarnissaat Partii Naleqqamiit suleqataaffiguassavarput. Soorunami inuup inersimasup peqqissullu nammineerluni inuunerminut akisussaaffeqarnera tamatta nalunngilarput, kisianni tamatta toqqissisimassutigisarpaput inuiaqatigiinni ataatsimoorluta aqqqissuussinitsigut isumaginninnikkut peqqinnissutsikkullu ajornartorsiuleraagatta



partii naleraq

nammineersinnaassutsikkut killilimmik piginnaaneqaleraagata pisortanut saaffiginninnissamut ikiorneqarnissamut periarfissaqartitaagatta.

Partii Naleqqamiillu isumaqarpugut ukiuni makkunani aatsaat taama pingaaruteqartigilersoq inuit akornitsinni susassareqatigiinnitta nukittorsarneqarnissaanut aammalu inuiaqatigiinni inunnik qaarmarsaanerup paasisitsiniaasarnerullu suli annertunerusumik ingerlanneqarnissaannut.

Inuiaqatigiit akornitsinni inuttut nakkarsaanerpassuit, uumissuinerpassuit naapinneqartarput, tamakku tamatta ataatsimoorluta peqqinnartumik qiimasumillu ingerlaqqinnissatsinnut nukittorsaataangilluinnartarput, taamaattumiguna pisariqartoq immitsinnut nunanesumik kaammattoqatigiittarnissarput, immitsinnut qiimmassaqatigiilluta suleqatigiillutalu ingerlaaseqarnissarput.

Siunnersuut oqallisissiaq soqutiginarluinnartoq taamatut annikikaluumik oqaaseqarfigaarput, neriuutigalugulu oqallinnerit pineqartumut tunngasut ingerlaavartumik inuiaqatigiinni oqallisigineqartuarlutik ajunngitsumik angusaqarfiusarumaartut, aamma taamaaliornikkut pineqarunut inatsisitigut tunngaviusut, aningaasalersuisarnissanullu tunngaviusut pitsanngorsartuarnissaat pisariaqarmat.

Qujanaq